

stetten im marggraffthumb Oberlausiz zu befridung unnd beschirmung der straßen unnd wege das faymgericht, wie inen das zuvor von kayser Karlh auch gegeben ist —, datum Prag am tag Gregori dreyzehenhundert ain und achtzig —. Item vom khunig Wladislaw der statt Lobbaw ein bestattung uber kayser Karlh brieff, welcher in sich hellet, das
 5 er alle die innwoner der statt Lobbaw aller der zoll unnd meuth befreyt in den drey stetten, alß Budißin, Camentz unnd Khunigspruckh —, datum Ofen am dornstag Valentini vierzehenhundert drey und neunzig —. Item mer ain bestattung konig Wladislai der statt Lobbaw uber zween brieff, wölche inen zur zeit in veindßnötten an sigl unnd pergamen versaert worden, der erst von khunig Johannem, der gibt der statt Lobbaw
 10 und derselben innwonern dise gewallt unnd macht, das sy alle die vom adell unnd annder auffm lannd, in den zweyn weichpildern Budißin und Lobbaw geseßen, wölche mit inen schulden halben oder sonnst zu thuen, alda zu Lobbaw mugen arrestiren unnd verkhumben, auch nit loß zu laßen bis zu volkhomner bezalung, der ander auch khönig Johannis, das die statt Lobbaw unnd ire inwoner daselbst von niemandß fur das mann-
 15 unnd oberrecht Budißin gevordert werde, sonnder wer sy rechtlichen ansprechen will, der solls thuen vor dem erbrichter alda in der statt zu Lobbaw, datum im jar, tag, zeit unnd stell, wie der nechst hie oben. Item in ainen brief begnadt khunig Wladißlaus die statt Lobbaw mit ainem jarmarekht, datum Ofen am tag Anna vierzehenhundert sechß und neuntzig —. Item mer ain brieff unnd bestättigung von khunig Wladislaw uber
 20 etliche begnadungen, so die statt Lobbaw von vorfarn, kaisern, konigen unnd marggraven erlangt, das innerhalb ainer mail gerings umb die statt kain hanndtwerchsmann noch kretschmer oder prewhauß sein soll, datum Ofen am tag Jacobi vierzehenhundert sechß und neuntzig —. Item Thomas unnd Balthazar die Scheffe gebrueder verzeichnen sich, gegen der statt Lobbaw zum gericht doselbst nymmer mer kainen zuspruch noch an-
 25 fordrung zu haben, suechen noch gewynnen, datum Lobbaw am sonntag oculi vierzehenhundert drey und achtzig^a). — Geben auff unnsrem khuniglichen schloß Praag den neun und zwaintzigisten tag des monats septembriß nach Cristi unnsers lieben herrn geburt funffzehenhundert unnd im syben und vierzigisten, unnserer reiche deß Romischen im sybennzehenden unnd der andern im ain und zwainzigisten jaren.

30 Ferdinand.
 Henricus burgravius Misnensis,
 s. r. Bohem. cancellarius mpr.

G. v. Logau.

148.

35 *König Ferdinand giebt in der Instruktion für seine Commissare, Ulrich von Nostitz und Hans von Maxen, welche nach dem Pönfalle in den Sechsstädten die neue Ordnung einführen sollen, folgende Specialbestimmungen hinsichtlich Löbau.* **Prag, 1549 Oct. 19.**

Hdschr.: Abschrift in der „Oberlaus. Urkunden-Sammlung“ zu Zittau.

40 147. a) Von hier an gleichlautend mit der Urkunde für Kamenz No. 265 S. 209 Z. 36. Die hier aufgeführten Urkunden siehe unter No. 16. 19. 12. 15. 98. 97. 82.